

032

**চট্টগ্রাম বিশ্ববিদ্যালয়ে
পরীক্ষা গ্রহণে অনিয়ম**

বেশ কয়েক মাস পূর্বে চট্টগ্রাম বিশ্ববিদ্যালয়ের অধীনে বিশ্ববিদ্যালয়সহ অন্য দু'টি কলেজ কেন্দ্র যথা চট্টগ্রাম ও সিলেট সরকারী কলেজ ১ম বর্ষের অনার্স কোর্সের চূড়ান্ত পরীক্ষা গ্রহণকাজ সম্পন্ন হয়ে গেল। কিন্তু উদ্ভিদ বিজ্ঞানের ১ম পত্রটি যে অনিয়মের মধ্যে নেয়া হয়েছে সত্ত্বেও দেশের কোন বিশ্ববিদ্যালয়ের পরীক্ষা গ্রহণের ইতিহাসে তার নজির নিলবে না। প্রশুপত্রে প্রকাশিত সময়ের মান অনুযায়ী যথারীতি চট্টগ্রাম ও সিলেট সরকারী কলেজ

কেন্দ্রে উক্ত বিষয়ের পরীক্ষা ৩ ঘন্টা পর্যন্ত নেয়া হয়। কিন্তু খোদ বিশ্ববিদ্যালয় কেন্দ্রে স্বয়ং পরীক্ষা কমিটির সভাপতির উপস্থিতিতে ঐ বিষয়ের পরীক্ষা ৪ ঘন্টা পর্যন্ত প্রলম্বিত হয় বলে জানা গেছে। ফলে উক্তর দেয়ার ক্ষেত্রে স্বাভাবিকভাবে চট্টগ্রাম বিশ্ববিদ্যালয়ের পরীক্ষার্থীরা চট্টগ্রাম ও সিলেট কেন্দ্রের পরীক্ষার্থীদের চেয়ে অধিক সুবিধে ভোগ করে এবং ১ ঘন্টা যাবৎ অতিরিক্ত লিখে পরীক্ষার উত্তরপত্র জমা দেয়ার সৌভাগ্য অর্জন করেন। এছাড়া বিশ্ববিদ্যালয় কেন্দ্রে যারা পর্যবেক্ষকের দায়িত্বে নিয়োজিত ছিলেন তাদেরও কলেজ কেন্দ্রসমূহ থেকে ১ ঘন্টার

অধিক পারিশ্রমিক পাওয়ার কথা। এ অনিয়মের জন্য কলেজ কেন্দ্রের পরীক্ষার্থীদের মধ্যে দারুণ হতাশা বিরাজ করছে।

পরিশেষে পরীক্ষার্থীর একজন অভিভাবকের পক্ষ থেকে আমার 'জিজ্ঞাসা' পরীক্ষার্থীদের ওপর এহেন পক্ষপাত হলে শিক্ষার ওপর আপামর জনসাধারণ কতটুকু আস্থাশীল থাকতে পারেন? বিশ্ববিদ্যালয় কর্তৃক পক্ষ এ ব্যাপারে সূচু পদক্ষেপ নিয়ে এগিয়ে আসবেন বলে আমি আশা রাখছি।

--মো: আবদুল জলিল,
অভিভাবকের পক্ষে চকবাজার,
চট্টগ্রাম।